

Қазақстан Республикасы
Үкіметінің
2023 жылғы « 9 » ақпандағы
№ 102 қаулысымен
бекітілген

Қазақстан Республикасы Конституциялық Сотының судьясы қызметтік міндеттерін атқаруына байланысты мертліккен (жарақат алған, жараланған, контузия алған, кәсіптік ауруға шалдыққан) немесе қаза тапқан (қайтыс болған) жағдайларда оған біржолғы өтемақы төлеу қағидалары

1. Осы Қазақстан Республикасы Конституциялық Сотының судьясы қызметтік міндеттерін атқаруына байланысты мертліккен (жарақат алған, жараланған, контузия алған, кәсіптік ауруға шалдыққан) немесе қаза тапқан (қайтыс болған) жағдайларда оған біржолғы өтемақы төлеу қағидалары (бұдан әрі – Қағидалар) «Қазақстан Республикасының Конституциялық Соты туралы» Қазақстан Республикасы Конституциялық заңының 15-бабына сәйкес әзірленді және Қазақстан Республикасы Конституциялық Сотының судьясы қызметтік міндеттерін атқаруына байланысты мертліккен (жарақат алған, жараланған, контузия алған, кәсіптік ауруға шалдыққан) немесе қаза тапқан (қайтыс болған) жағдайларда оған біржолғы өтемақы төлеу тәртібін айқындайды.

2. Біржолғы өтемақы төлеу «Қазақстан Республикасының Конституциялық Соты туралы» Қазақстан Республикасы Конституциялық заңының 15-бабына сәйкес оны алуға құқығы бар адамдарға жүргізіледі.

3. Қазақстан Республикасы Конституциялық Соты судьясының кәсіптік қызметпен одан әрі айналысу мүмкіндігін жоққа шығаратын мертiгу (жарақат алу, жаралану, контузия алу, кәсіптік ауруға шалдығу) не қаза табу (қайтыс болу) мән-жайлары туралы тергеп-тексеру Қазақстан Республикасы Еңбек кодексінің 20-тарауына сәйкес жүргізіледі.

4. Қазақстан Республикасы Еңбек кодексінің 188 және 188-1-баптарында көзделген тәртіппен және құрамда құрылатын жазатайым оқиғаны тергеп-тексеру жөніндегі комиссия Қазақстан Республикасы Конституциялық Соты судьясының қызметтік міндеттерін атқаруына байланысты мертліккенін (жарақат алғанын, жараланғанын, контузия алғанын, кәсіптік ауруға шалдыққанын) немесе қаза тапқан (қайтыс болған) фактісін растайтын қорытынды қабылдаған сәттен бастап Қазақстан Республикасы Конституциялық Соты Аппаратының кадр қызметі (бұдан әрі – кадр қызметі) күнтізбелік жеті күн ішінде біржолғы өтемақы алуға құқығы бар адамдарды осы Қағидаларға 1-қосымшаға сәйкес нысан бойынша біржолғы өтемақы төлеуге өтініш беріп, мынадай құжаттарды ұсыну қажеттігі туралы жазбаша хабардар етеді:

1) Қазақстан Республикасы Конституциялық Сотының судьясы қызметтік міндеттерін атқару үстінде ауыр немесе жеңіл мертігіп (жарақат алып, жараланып, контузия алып, кәсіптік ауруға шалдығып), ол мүгедектік белгілеуге әкеп соқтырмаған жағдайда:

медициналық қорытынды;

2) Қазақстан Республикасы Конституциялық Сотының судьясы қызметтік міндеттерін атқару үстінде мертігуінің (жарақат алуының, жаралануының, контузия алуының, кәсіптік ауруға шалдығуының) нәтижесінде мүгедек болғаны белгіленген кезде:

медициналық қорытынды;

халықты әлеуметтік қорғау саласындағы уәкілетті органның аумақтық бөлімшесінің мүгедектікті белгілеу туралы анықтамасының көшірмесі;

3) Қазақстан Республикасы Конституциялық Сотының судьясы қызметтік міндеттерін атқару үстінде не қызметтік міндеттерін атқару үстінде мертігу (жарақат алу, жаралану, контузия алу, кәсіптік ауруға шалдығу) салдарынан Қазақстан Республикасының Конституциялық Сотының судьясы өкілеттігін тоқтатқаннан кейін бір жыл ішінде қаза тапқан (қайтыс болған) жағдайда:

біржолғы өтемақы алушының жеке басын куәландыратын құжаттың көшірмесі;

кәмелетке толмаған алушының тууы туралы куәлігінің көшірмесі (егер біржолғы өтемақы алуға құқығы бар адам кәмелетке толмаған болса);

қайтыс болу туралы куәліктің немесе хабарламаның көшірмесі;

мұрагерлікке құқық туралы куәліктің көшірмесі.

5. Біржолғы өтемақы алуға құқығы бар адамдар өтініш берген кезде кадр қызметі осы Қағидалардың 4-тармағында көрсетілген құжаттардың толықтығы мен дұрыс ресімделуін тексереді және оны осы Қағидаларға 2-қосымшаға сәйкес нысан бойынша біржолғы өтемақы төлеуге өтініштерді тіркеу журналына тіркейді.

Тиісті құжаттар толық ұсынылмаған және (немесе) олар дұрыс ресімделмеген жағдайда кадр қызметі өтініш берушіге бес жұмыс күні ішінде өтінішті осы Қағидалардың 4-тармағының талаптарына сәйкес келтіруді ұсынады.

Егер өтініш беруші осы тармақтың екінші бөлігінде белгіленген мерзімде өтінішті талаптарға сәйкес келтірмесе, кадр қызметі оны қайтарады.

6. Кадр қызметі өтінішті журналға тіркеп, он жұмыс күні ішінде біржолғы өтемақы алушыға іс қалыптастырады және оны қаржы қызметіне жібереді.

Қаржы қызметі дайындаған өтемақы сомасы туралы есепті іске қоса тіркеп, кадр қызметі істі өтемақы төлеу туралы бұйрықтың жобасымен Конституциялық Сот Аппаратының Басшысына ұсынады. Конституциялық Сот Аппаратының Басшысы үш жұмыс күні ішінде шешім қабылдайды.

Егер Қазақстан Республикасы Конституциялық Соты судьясының өкілеттігі өзіне қатысты соттың айыптау үкімінің заңды күшіне енуіне байланысты тоқтатылған болса, ол өтемақы алу құқығынан айырылады.

7. Біржолғы өтемақы төлеу өтініш берушінің банктік шотына не банк операцияларының жекелеген түрлерін жүзеге асыратын ұйымдардағы өтініш берушінің шотына Қазақстан Республикасының заңнамасында белгіленген тәртіппен өтініш берілген сәттен бастап екі ай ішінде аудару жолымен жүзеге асырылады.

Кәмелетке толмаған алушыға біржолғы өтемақы төлеу өтініш берілген сәттен бастап екі ай ішінде оның өтініште көрсетілген шотына аудару жолымен жүргізіледі, бұл туралы қамқоршылық және қорғаншылық органдарына немесе оның заңды өкілдеріне бір мезгілде хабарланады.

Қазақстан Республикасы
Конституциялық Сотының судьясы
қызметтік міндеттерін атқаруына
байланысты мертіккен (жарақат
алған, жараланған, контузия алған,
кәсіптік ауруға шалдыққан) немесе
қаза тапқан (қайтыс болған)
жағдайларда оған біржолғы өтемақы
төлеу қағидаларына
1-қосымша

Нысан

Кімге _____
(Қазақстан Республикасы Конституциялық Сотының
Аппараты Басшысының Т.А.Ә. (бар болса)
кімнен _____
(өтініш берушінің Т.А.Ә. (бар болса)
мекенжайы: _____
өтініш берушінің ЖСН _____

Біржолғы өтемақы төлеуге өтініш

Сізден _____
(залалдың орнын толтыру үшін негіздеме көрсетіледі)
байланысты маған біржолғы өтемақы төлеуді сұраймын.
Маған тиесілі соманы _____

_____ (банктің (ұйымның) деректемелері, алушының жеке шотының нөмірі көрсетіледі)
аударуды сұраймын.

Өтінішке мынадай құжаттарды қоса беріп отырмын:

- 1.
- 2.
- 3.

_____ (күні мен өтініш берушінің қолы)

Қазақстан Республикасы Конституциялық Сотының судьясы қызметтік міндеттерін атқаруына байланысты мертіккен (жарақат алған, жараланған, контузия алған, кәсіптік ауруға шалдыққан) немесе қаза тапқан (қайтыс болған) жағдайларда оған біржолғы өтемақы төлеу қағидаларына
2-қосымша

Нысан

Біржолғы өтемақы төлеуге өтініштерді тіркеу журналы

Р/с №	Өтініш түскен күн	Мертіккен, қаза тапқан Қазақстан Республикасы Конституциялық Соты судьясының Т.А.Ә. (бар болса) және оның мекенжайы	Біржолғы өтемақы алушының Т.А.Ә. (бар болса) және оның мекенжайы	Біржолғы өтемақы төлеу үшін негіздеме	Қарау нәтижесі		
					біржолғы өтемақы сомасы	төлем құжатының нөмірі мен күні	бас тарту себебі
1	2	3	4	5	6	7	8